

ACORDO DE COLABORACIÓN ENTRE O SERVIZO GALEGO DE SAÚDE E A FUNDACIÓN BIOMÉDICA GALICIA SUR (FBGS) PARA A XESTIÓN DA FORMALIZACIÓN DO CONTRATO DUN FACULTATIVO INVESTIGADOR, CONCEDIDO AO INSTITUTO DE INVESTIGACIÓN SANITARIA GALICIA SUR (IISGS), A TRAVÉS DA FBGS AO ABEIRO DA CONVOCATORIA 2021-2024 DE AXUDAS DA FUNDACIÓN ESPAÑOLA DE REUMATOLOGÍA (FER) PARA A INCORPORACIÓN DE FACULTATIVOS CON EXPERIENCIA INVESTIGADORA DENTRO DUN SERVIZO DE REUMATOLOXÍA.

MEMORIA XUSTIFICATIVA

A xerente do Servizo Galego de Saúde, **DECLARA:**

Que o Servizo Galego de Saúde formalizou o 13.06.2022 o convenio arriba referido coa Fundación Biomédica Galicia Sur (FBGS). A súa vixencia estenderase por un prazo máximo de 3 anos correspondentes á execución da actividade, a partir da data de incorporación da adxudicataria ao centro. En todo caso, o contrato permanecerá vixente ata que se cumpran as obrigas previstas nel.

Que o instrumento convencional ten por obxecto a colaboración entre as partes para a incorporación dun Facultativo Investigador no Servizo de Reumatoloxía do Complexo Hospitalario Universitario de Vigo, no modelo de contratación que procede de acordo co recollido ao abeiro da convocatoria de concesión de axudas de Facultativos Investigadores da Fundación Española de Reumatología 2021-2024, concedida ao IIGS a través da Fundación Biomédica Galicia Sur.

Que existe converxencia de intereses entre as entidades asinantes en orden á consecución do obxecto referido.

Que o convenio fundaméntase no seguinte:

A Consellería de Sanidade e o Servizo Galego de Saúde incorporan como un dos elementos fundamentais da súa actividade a investigación e innovación biosanitaria e establecen como unha das súas liñas estratéxicas a promoción da investigación.

A ACIS, creada polo Decreto 112/2015, adscrita á Consellería de Sanidade a través do Servizo Galego de Saúde e encadrada nas entidades públicas instrumentais reguladas no Título III da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, ten entre os seus obxectivos estratéxicos a creación e desenvolvemento de mecanismos e instrumentos que faciliten a investigación mediante a consolidación de estruturas horizontais de apoio aos axentes involucrados na I+D+i sanitaria e a promoción da cooperación entre os sectores público e privado, de xeito que as actividades científicas xeren resultados de

valor engadido que poidan ser transferidos ao sector produtivo e, por tanto, á sociedade no seu conxunto.

A FBGS é unha fundación de interese galego en conformidade coa Lei 12/2006, do 1 de decembro, de fundacións de interese galego con personalidade xurídica propia e sen ánimo de lucro, modificada pola Lei 16/2010, do 17 de decembro, e réxese ademais polo Decreto 14/2009, do 21 de xaneiro, polo que se aproba o Regulamento de fundacións de interese galego e polo Decreto 15/2009, de 21 de xaneiro polo que se aproba o regulamento do Rexistro de fundacións de interese galego; e que ten por obxecto impulsar a investigación, a docencia, o desenvolvemento científico tecnolóxico e a innovación no ámbito sanitario e en Ciencias da Saúde, así como a realización de outras actividades que poidan contribuír á consecución do obxecto fundacional, caracterizado polo interese xeral galego. Con ese propósito, a FBGS serve de apoio, asesoramento e xestión aos profesionais e investigadores, nos centros do Sistema Público de Saúde de Galicia e contribúe eficazmente á consecución dos obxectivos fundacionais, recabando o apoio das entidades públicas e privadas para os seus fins, realizando labores de difusión e divulgación da actividade investigadora dos centros de investigación de Galicia, aumentando progresivamente de este modo a súa capacidade para competir e a calidade da súa produción científica.

O IISGS é un Instituto de Investigación Sanitaria, que se conforma actualmente mediante a asociación das Áreas sanitarias de Vigo, Pontevedra-O Salnes e Ourense-Verin-O Barco de Valdeorras, que engloba os centros de atención hospitalaria, atención especializada e atención primaria das áreas sanitarias de Vigo, Pontevedra-O Salnes e Ourense-Verin-O Barco de Valdeorras, xunto coa Universidade de Vigo (UVIGO) e a Fundación Biomédica Galicia Sur (FBGS) como órgano xestor.

O IISGS ten entre as súa principais funcións:

1. Fomentar a colaboración entre investigadores do ámbito básico, clínico, de saúde pública e de servizos de saúde.
2. Promover a investigación traslacional e a innovación que teñan aplicacións e repercusións clínicas.
3. Fomentar a colaboración entre os centros de investigación das entidades que integran o IISGS e outros pertencentes a outras institucións de investigación no ámbito autonómico. O IISGS carece de personalidade xurídica propia, polo que os actos xurídicos necesarios para a consecución dos seus fins son adoitados pola FBGS, como órgano de xestión do Instituto de acordo co Real Decreto 279/2016, de 24 de xuño, sobre acreditación de Institutos de investigación biomédica ou sanitaria. O IISGS carece de personalidade xurídica propia, polo que os actos xurídicos necesarios para a consecución dos seus fins son adoitados pola FBGS, como órgano de xestión do Instituto de acordo co Real Decreto 279/2016, de 24 de xuño, sobre acreditación de Institutos de investigación biomédica ou sanitaria.



A Fundación Española de Reumatología (FER) publicou o 17 de maio do 2021 unha convocatoria de 3 axudas para Facultativos Investigadores coa finalidade de promover a incorporación a tempo completo de persoal facultativo con experiencia investigadora dentro dun Servizo de Reumatoloxía para as anualidades 2021-2024. dona. Irene Altabás González solicitou, a través da FBGS e ao abeiro de dita convocatoria, unha axuda destinada á incorporación aos centros asistenciais do SNS de persoal facultativo con experiencia investigadora e cuxo obxecto é a contratación de profesionais, en entidades sanitarias públicas e privadas sen ánimo de lucro, vinculadas ou concertadas co SNS, con actividade asistencial, que teñan superado a Formación Sanitaria Especializada (FSE), para o desenvolvemento dun plan de formación en investigación en ciencias e tecnoloxías da saúde que simultanearán coa actividade asistencial correspondente a súa especialidade.

Que o 8 de novembro de 2021 comunicouse por parte da Comisión de Publicacións e Becas da Fundación Española de Reumatología, a concesión dunha axuda a dona Irene Altabás González para a súa incorporación no Complexo Hospitalario Universitario de Vigo.

A presente actuación xera as seguintes achegas económicas:

Pola parte do IISGS, a través da FBGS, a achega económica ao Servizo Galego de Saúde, (Hospital Universitario de Vigo) do importe concedido, isto é, 45.000,00 euros anuais, durante un prazo máximo de 3 anos.

Pola parte do Servizo Galego de Saúde (Hospital Universitario de Vigo), asumir as cotas empresariais á Seguridade Social e resto de gastos de contratación.

Os intereses converxentes das partes asinantes exclúen o ánimo de lucro, e non podían satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estimouse xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago,

